

## CANTAIRE PROUVENÇAU : UN BÈU SUCÈS PÈR LOU DUO CHÉOPS

Categourio : **Cant**

Publica lou Divèndre, 27 juliet 2012 10:53

### CANTAIRE EN LENGO PROUVENÇALO : UN BÈU SUCÈS PÈR LOU DUO CHÉOPS

Dins uno salo di fèsto de Simiano la Routoundo coumoulo, lou dissate 21 de juliet, lou *Duo Chéops*, cantaire en lengo prouvençalo faguè un bèu sucès.

Dins lou publi, se ié poudié nouta forço persounalita, dintre aquéli *Jan-Louis ADRIAN*, souto-presidènt dóu Councèu Generau dis Aup de Prouvènço Nauto, *Brunoun THOMAS*, presidènt de la Federacioun Parlaren Aup de Prouvènço, *Oudilo DELMAS*, presidènto de la Federacioun Parlaren Bouco-de-Rose, *Ives ROUX* e *Alan JEAN*, souto-presidènt de Parlaren Aup de Prouvènço e li courespoundènt de prèisso, *Dono AUMAGY* pèr *La Provence* e *Dono APPY*, pèr lou semanié dis Aup.

Li nombreux aupen qu'èron aqui fuguèron pivela pèr lou biais dóu Duo Chéops autambèn dins lou repertòri tradiciounau prouvençau – *La Mazurka souto li pin*, *Adiéu paure Carnava*, *la Cambo* – coume dins lou siéu repertòri que n'esplicavon l'ourigino, de cop que i'a famihalo (*lou Maset de ma maire*, *Marcèu*). D'asatacioun estrambourdanto se pousquèron tambèn ausi coume la de *Le monde est stone* leva de *Starmania*.

Un got de l'amista pourgi pèr la Federacioun Parlaren Aup de Prouvènço permetegùe au publi de charra un bon moument emé si musician.

Oscò pèr lou Duo Chéops ! Tóuti lis associacioun prouvençalo déurien fa veni pèr lou mens un cop lou Duo Chéops !

Poudès countata lou *Duo Chéops*, Crestino REY : 06.88.09.21.18.

**Ives ROUX**